

Ո Ր Ո Շ ՈՒ Մ

Արգելադրված գույքը հարկադիր էլեկտրոնային աճուրդով իրացնելու մասին

«29» սեպտեմբերի 2020թ.

ք. Սևան

Հարկադիր կատարումն ապահովող ծառայության Գեղարքունիքի մարզային բաժնի հարկադիր կատարող, արդարադատության ավագ լեյտենանտ Հայկ Հարությունյան, ուսումնասիրելով 01.02.2020թ.-ին հարուցված թիվ 05854091 կատարողական վարույթի նյութերը՝

Պ Ա Ր Զ Ե Ց Ի

ՀՀ Գեղարքունիքի մարզի քնդհանուր իրավասության դատարանի կողմից 31.01.2020թ.-ին տրված թիվ ԳԴ4/1461/02/19 կատարողական թերթի համաձայն պետք է Գեվորգ Սարգսի Գեվորգյանից հոգուտ «Գլորալ Կրեդիտ ՈՒՎԿ» ՓԲԸ-ի բռնագանձել 1.032.939 ՀՀ դրամ և տոկոսներ:

Բռնագանձումը տարածել Գևորգ Սարգսի Գևորգյանին սեփականության իրավունքով պատկանող թիվ G18S-00628 տրանսպորտային միջոցի կոշտ գրավի պայմանագրով գրավադրված MITSUBISHI COLT 1.3 /նույնականացման համար Z25A-0100294/ մակնիշի, 35SA593 հաշվառման համարանիշի ավտոմեքենայի վրա:

Հարկադիր կատարումն ապահովող ծառայության Գեղարքունիքի մարզային բաժնի մուտք է եղել պահանջատեր «Գլորալ Կրեդիտ ՈՒՎԿ» ՓԲԸ-ի գրության, որով հայտնել է, որ թիվ ԳԴ4/1461/02/19 կատարողական թերթով պարտապան՝ Գեվորգ Սարգսի Գեվորգյանի պարտավորությունը 28.07.2020թ.-ի դրությամբ կազմում է 1.436.428 ՀՀ դրամ:

Կատարողական գործողությունների ընթացքում արգելանք է կիրառվել պարտապան՝ Գեվորգ Սարգսի Գեվորգյանի կողմից գրավադրված 2003թ.-ի արտադրության MITSUBISHI COLT 1.3 մակնիշի 35SA593 պետհամարանիշի ավտոմեքենայի վրա, որի շուկայական արժեքը որոշելու համար 14.07.2020թ.-ին նշանակվել է ապրանքագիտական փորձաքննություն: 28.07.2020թ.-ին Հարկադիր կատարումն ապահովող ծառայության Գեղարքունիքի մարզային բաժնի մուտք է եղել «Ամինտաս Գրուպ» ՍՊԸ-ի կողմից ներկայացված ապրանքագիտական փորձաքննության եզրակացությունը:

Պարտապան՝ Գեվորգ Սարգսի Գեվորգյանի անվամբ Հարկադիր կատարումն ապահովող ծառայության Գեղարքունիքի մարզային բաժնում առկա են թվով ևս երկու կատարողական վարույթներ քնդհանուր 245.603 ՀՀ դրամ բռնագանձման ենթակա գումարով, որոնցով ի հայտ են եկել պարտապանի սնանկության հատկանիշներ:

Կատարողական գործողությունների ընթացքում առաջարկվել է պահանջատիրոջը և պարտապանին նրանցից որևէ մեկի նախաձեռնությամբ 60-օրյա ժամկետում սնանկության հայց ներկայացնել դատարան, սակայն դատարան ղիմելու ղիմում Հարկադիր կատարումն ապահովող ծառայություն մուտք չի եղել:

Վերոգրյալի հիման վրա և ղեկավարվելով «Դատական ակտերի հարկադիր կատարման մասին» ՀՀ օրենքի 28.28.1 և 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով

Ո Ր Ո Շ Ե Ց Ի

Պարտապան՝ Գեվորգ Սարգսի Գեվորգյանի կողմից գրավադրված 2003թ.-ի արտադրության MITSUBISHI COLT 1.3 մակնիշի, 35SA593 պետհամարանիշի ավտոմեքենան /գրավի առարկա/

h/h	լուրի անվանումը նկարագիրը	գնահատման գինը	h/կ անմանված մեկնարկային գինը	գույքի քանակը
1	Ավտոմեքենա՝ MITSUBISHI COLT 1.3 մակնիշի 35SA593 պետհամարանիշի 2003թ.-ի արտադրության տրանսպորտային միջոց՝ նույնականացման համար Z25A-0100294	900000 ՀՀ դրամ	675000 ՀՀ դրամ	1 հատ



ներկայացվում է հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ harkadir.ajurd.am միջոցով:

Հարկադիր էլեկտրոնային աճուրդի սկիզբը՝ 17.11.2020թ:

Որոշման պատճենը ուղարկել կողմերին:

Հարկադիր կատարողի որոշումը կարող է բողոքարկվել վերադասության կարգով որոշումն ուժի մեջ մտնելու օրվանից հետո՝ երկամսյա ժամկետում, կամ Վարչական դատարան՝ օրենսով սահմանված ժամկետներում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում կատարողական գործողությունները, բացառությամբ օրենքով սահմանված դեպքերի:

Ծ Ա Ն Ո Թ ՈՒ Թ Յ ՈՒ Ն: Յուրաքանչյուր լուտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լուտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում գետեղվում է կրկնակի հարկադիր էլեկտրոնային աճուրդի դրված լուտի մասին ծանուցումը:

Եթե աճուրդը չի կայացել գնորդ չլինելու կամ լուտի մեկնարկային գնի հավելում չկատարվելու հիմքերով, ապա հաջորդ հարկադիր աճուրդ կազմակերպելուց վաճառվող լուտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լուտի գնման գինը սահմանված ժամկետում չվճարվելու կամ առավաճառքի պայմանագիրը չստորագրելու հիմքերով, ապա լուտի մեկնարկային գնի իջեցում տեղի չի ունենում: Տասնհինգերորդ հարկադիր աճուրդը չկայանալու դեպքում հաջորդ աճուրդներում լուտի մեկնարկային գինը չի իջեցվում: Տասնհինգերորդ հարկադիր աճուրդը չկայանալու դեպքում հարկադիր աճուրդի է ներկայացվում նաև պարտապանին պատկանող՝ օրենքով սահմանված նույն հերթում ներառված այլ գույք, իսկ նույն հերթում ներառված գույքերի անբավարարության դեպքում՝ հաջորդ հերթում ներառված այլ գույք:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր հերթական աճուրդից հետո, լուտը չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունելու այդ աճուրդի մեկնարկային գնով: Պահանջատերը պահանջի դիմաց լուտն իրեն հանձնելու վերաբերյալ գրավոր պահանջը կարող է ներկայացնել ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լուտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց հետո, իսկ գույքի /լուտի/ հանձման կապակցությամբ հարկեր վճարելու պարտականություն առաջանալու դեպքում՝ նաև դրա կատարումը հավաստող փաստաթղթերը ներկայացնելուց հետո:

ՀԱՐԿԱԴԻՐ ԿԱՏԱՐՈՂ



Հ.ՀԱՐՈՒԹՅՈՒՆՅԱՆ

նախագահ